

小兒慢驚神方

南京中医学院
图书馆藏书



驚風論

驚風有急慢兩症。急驚屬實熱。宜用清涼。慢驚屬虛寒。宜用溫補。若霄壤之相隔。治法若冰炭之相反。諸書多用一藥兼治急慢兩症。妄太甚。貽害無窮。不可不審辨也。

慢驚

莊在田曰。慢驚之症。緣小兒吐瀉得之爲最多。或久瘧久痢。或痘後疹後。或因風寒飲食積滯。過用攻伐傷脾。或秉賦本虛。或誤服涼藥。或因急驚而用藥攻降太甚。或失於調理。皆可致此症也。其症神昏氣喘。或大熱不退。眼開驚搐。或乍寒乍熱。或三陽晦暗。或面色淡白青黃。或大小便清白。或口脣雖開裂出血。而口中氣冷。或瀉利冷汗。或完穀不化。或四肢冰冷。並至腹中氣响。喉內痰鳴。角弓反張。目光昏暗。此虛症也。亦危症也。俗名天弔風。虛風。慢驚風。慢脾風。皆此症也。若再用寒涼。再行消導。或用膽星抱龍以除痰。或用天麻全蝎以驅風。或用知柏芩連。

以清火。或用巴豆大黃以去積。殺人如反掌。實可畏也。若治風而風無
可治。治驚而驚亦無可治。此實因脾氣虛寒。孤陽外越。元氣無根。陰寒
至極。風之所由動也。治宜先用辛熱。再加溫補。蓋補土所以敵木。治本
卽所以治標。凡小兒一經吐瀉交作。卽是最危之症。若其屢作不止。無
論痘後疹後病後。不拘何因。皆當卽用參朮以救胃氣。薑桂杞熟等藥
以救腎氣。不惟傷食當急救之。卽傷寒傷暑亦當急救之。蓋其先雖有
寒暑實邪。一經吐瀉。業已全除。脾胃空虛。倉廩空乏。若不急救。恐虛痰
上湧。命在頃刻矣。庸醫見之。皆誤指爲熱。爲食。投以清火去積涼藥。立
時告變。爲之奈何。與其失之寒涼。斷難生活。不若失之溫補。猶可救療。
此語發明吐瀉驚風之理。最爲明透。後之君子。願無忽諸。今將慢驚辨
症臚列於後。

一 慢驚吐瀉脾胃虛寒也

一 慢驚身冷陽氣抑遏不出也（服涼藥之後
往往致此）

一 慢驚鼻孔煽動真陰失守虛火爍肺也

一 慢驚面色青黃及白氣血兩虛也

一 慢驚口鼻中氣冷中寒也

一 慢驚大小便清白腎與大腸全無火也

一 慢驚昏睡露睛神氣不足也

一 慢驚手足抽掣血不行於四肢也

一 慢驚角弓反張血虛筋急也

一 慢驚乍熱乍涼陰血虛少陰陽錯亂也

一 慢驚汗出如洗陽虛而表不固也



南京中醫藥大學圖書館版權所有

一 慢驚手足瘳瘓血不足以養筋也

一 慢驚顛門下陷虛至極也

一 慢驚身雖發熱口脣焦裂出血却不喜飲冷茶水進以寒涼愈增危篤以及所吐之乳所瀉之物皆不甚消化脾胃無火可知脣之焦黑乃真陰之不足也明矣大凡因發熱不退及吐瀉而成者總屬陰虛陽越必成慢驚並非感冒風寒發熱可比故不宜發散治宜培元救本加薑桂以引火歸源必先用辛熱沖開寒痰再進溫補方爲得法經驗二方列後。

▲ 逐寒蕩驚湯 ▼

此方藥性溫煖專治小兒氣體本虛或久病不愈或痘後疹後或誤服寒涼水瀉嘔吐轉爲慢驚清熱散風愈治愈危速宜服此能開寒痰寬



一 慢驚吐瀉脾胃虛寒也

一 慢驚身冷陽氣抑遏不出也（服涼藥之後
往往致此）

一 慢驚鼻孔煽動真陰失守虛火爍肺也

一 慢驚面色青黃及白氣血兩虛也

一 慢驚口鼻中氣冷中寒也

一 慢驚大小便清白腎與大腸全無火也

一 慢驚昏睡露睛神氣不足也

一 慢驚手足抽掣血不行於四肢也

一 慢驚角弓反張血虛筋急也

一 慢驚乍熱乍涼陰血虛少陰陽錯亂也

一 慢驚汗出如洗陽虛而表不固也



南京中醫藥大學圖書館版權所有

一 慢驚手足瘳癢血不足以養筋也

一 慢驚顛門下陷虛至極也

一 慢驚身雖發熱口脣焦裂出血却不喜飲冷茶水進以寒涼愈增危篤以及所吐之乳所瀉之物皆不甚消化脾胃無火可知脣之焦黑乃真陰之不足也明矣大凡因發熱不退及吐瀉而成者總屬陰虛陽越必成慢驚並非感冒風寒發熱可比故不宜發散治宜培元救本加薑桂以引火歸源必先用辛熱沖開寒痰再進溫補方爲得法經驗二方列後

▲ 逐寒蕩驚湯 ▼

此方藥性溫煖專治小兒氣體本虛或久病不愈或痘後疹後或誤服寒涼水瀉嘔吐轉爲慢驚清熱散風愈治愈危速宜服此能開寒痰寬



胸膈止嘔吐。蕩驚邪。所謂回元氣於無有之鄉。一二劑後。嘔吐漸止。卽其驗也。認明但係虛寒。卽宜服之。不必疑畏也。

胡椒 一錢

炮薑 一錢

肉桂 一錢

丁香 十粒

右四味研爲

細末。以灶心土三兩。煮水澄極清。煎藥大半茶盃。頻頻灌之。接服後方定獲奇效。

▲加味理中地黃湯▼

此方助氣補血。却病回陽。專治小兒精神已虧。氣血大壞。形狀狼狽。瘦弱至極。皆可挽回。如法濃煎。頻頻與服。參天救本之功。有難以盡述者。

熟地 五錢

焦朮 二錢

黨參 二錢

當歸 二錢

炙芪 二錢

故紙 二錢

棗仁炒二錢

杞子 二錢

炮薑 一錢

萸肉 一錢

炙草 一錢

肉桂 一錢

加生薑 三片

紅棗 三枚

胡桃 二個



打碎爲引仍用 灶心土二兩 煮水澄清煎藥取濃汁一茶盃加

附子三分 另行煎湯攪入藥汁內量兒大小分數次灌之如咳嗽不

止者加 櫻栗殼一錢 金櫻子一錢 如大熱不退加 白芍一錢

泄瀉不止加 丁香一錢 只服一劑即去附子止用 丁香七粒

隔二三日再用 附子二三分 蓋因附子太熱中病者即宜去之

也如用附子太多則小便閉塞不出不用附子則沉寒肺腋固結不開

如不用丁香則水瀉不止若小兒虛寒至極附子又不妨用至一二錢

此所謂神而明之存乎其人用者審之此方乃救陰固本之要藥治小

兒慢驚稱爲神劑若小兒吐瀉不止已甚或微見驚搐胃中尙可受藥

吃乳便利者並不必服逐寒蕩驚湯只服此藥一劑而風定神清矣如

小兒尙未成驚不過昏睡發熱不退或時熱或時止或日間安靜夜間



發熱以及午後發熱等症。總屬陰虛。均宜服之。若新病壯實之小兒。眼紅口渴者。乃實火之症。方可暫行清解。但果係實火。必大便閉結。氣壯聲洪。且喜多飲冷茶水。若吐瀉交作。則非實火可知矣。此方補造化陰陽所不足。實回生起死有神功。倘大虛之後。服一劑無效。必須大劑多服。爲妙。近來所買之抱龍牛黃等丸。皆清熱化痰之藥。急驚最爲對症。若慢驚之甚者。下嚙卽死。如鄉村製藥不及。急取鷄鴨窩。要養鷄鴨已數十年者糞泥下淨土一撮。去糞數寸者不要有糞煎水服立愈。屢試如神。